

DBKL gempur peniaga warga asing di pasar borong

KUALA LUMPUR - Lima tindakan sitaan barangan diambil terhadap warga asing yang berniaga di sekitar Pasar Borong Kuala Lumpur, di sini pada Khamis.

Dewan Bandaraya Kuala Lumpur (DBKL) dalam satu kenyataan pada Jumaat memaklumkan, tindakan tersebut telah diambil menerusi Jabatan Penguatkuasaannya.

"Tindakan itu diambil di bawah Akta Jalan, Parit dan Bangunan 1974 dan UUK Pelesenan Penjaja (WPKL) 2016.

"Kesemua barangan yang disita dan dipindah halangan, telah dibawa ke stor sitaan Jalan Lombong, Taman Miharja, Cheras, Kuala Lumpur untuk tindakan rekod dan dokumentasi," menurut DBKL.

Dalam pada itu, DBKL akan meneruskan tindakan dan pemantauan dari masa ke masa di lokasi tumpuan yang



Antara barang peniaga warga asing yang disita DBKL.

telah dikenal pasti.

Menurut DBKL, orang ramai boleh berhubung atau menyalurkan aduan dan maklumat menerusi pautan <https://adukl.dbkl.gov.my/>.